

Buletineko gaiak:

- | | | |
|-----------------------------------------|-------------------------------|--------------------------------|
| 1. Ikasturte amaierako guraso bilerak | 4. Jantoki zerbitzua ekainean | • <i>Etapetako informazioa</i> |
| 2. Alexia plataforma familietara | 5. Xanistebanetako txosna | |
| 3. Haurtzaro Ikastolaren eguna: Ginkana | 6. Oinbusa martxan | |

Berri orokorrak

1.- Ikasturte bukaerako guraso bilerak

Maiatzaren 22an hasiko dira ikasturte bukaerako guraso bilera orokorrak. Haurtzaro Ikastolako Webgunean dagoen egutegian aurkituko dituzue datak. Bilera aurretik bilera deialdia eta txostena jasoko dituzue.

2.- Alexia plataforma familietara

Alexiarako sarbidea egitea gogorarazi nahi dizuegu familiei. Orain probetan gabiltza, baina etorkizun hurbilean Alexia izango da familia eta ikastolaren arteko komunikaziorako tresna nagusia eta beraz guztiak bertara sartu ahal izatea ezinbestekoa da. Haurtzaro Ikastolako webgunean, "Alexia, familientzako gidak" atalean aurki ditzakezuen bideo tutorialen bidez, egin beharreko pausu guztiak argi azalduta daukazue eta inongo arazorik bazenute gurekin harremanetan jarri zaitezke.

3.- Haurtzaro Ikastola eguna: ekainaren 2an

Ikastolaren eguneko antolaketarako zenbait informazio aurreratu nahi dizuegu, eta zuen laguntza eskatu:

- Ikasleek hainbeste estimatzen duten Ginkanarekin emango zaio hasiera 8:00etan. LH 3. mailatik DBH 4. maila arteko ikasleak hartu dezakete parte. Izena emateko zerrendak eta araudia, parte hartu dezaketen ikasleen geletan zintzilikatu ditugu. Jada izena eman dezakete ikasleak eta horretarako epea maiatzaren 23an amaituko da.

- **Laguntza eskaera: GINKANArako 70 guraso behar ditugu.**

Ginkana antolatu ahal izateko, eta horrela nahi duten ikasle guztiek parte har dezaten, 70 gurasoen laguntza beharrezkoa dugu. Buletin honetan aurkituko duzue laguntza emateko izen emate orria eta epea maiatzaren 20an amaituko da. (Ginkanaren iraupena 7:30etik-11:00etara da)

Gogoratu gurasorik gabe ezinezkoa izango dela egitea. Azken egunean izenik eman gabe bertaratzen da guraso asko, baina hori antolatzaileentzat ez da forma egokiena. Mesedez aurrez izena eman ezazue!!

Izena ematen duzuen gurasoentzat oharra: txaleko reflektantea behar duzue egun horretarako.



- **BAZKARIA ETA PROGRAMA:** Bazkarirako txartelen salmentaz eta egitarauaz aurrerago informatuko dizuegu.

4.- Jantokiko erabiltzaileentzat oharra

Buletin honekin banatu diegu jantokiko erabiltzaileei, ekainean ikasleak goizez daudenean jantokia erabiliko duten galdetzen duen esku-orria. Egun erdiko egunak ekainaren 11etik 22ra bitartean izango dira. Azken egunean, ekainaren 22an ere, jantoki zerbitzua eskainiko da.

Orria oraingo erabiltzaile guztiak bete behar duzue. Betetzerakoan kontuan har itzazue ikasleen ikasturte bukaerako irteerak ere. Datu horiek orain jakitea beharrezkoa dugu gure antolaketaarako. Esku-orria Ikastolako **idazkaritzan** entregatu behar duzue eta **MAIATZAREN 18a izango da horretarako azken eguna.**

5.- Xanistebanetako Txosnan lan egiteko izen ematea

Ikasleek oporrak hartu aurretik antolatu nahi ditugu egun bakoitzeko txandak eta aurten TABERNAN zein egunetan lana egiteko prest zaudeten jakin nahi dugu.

Guztira 150 lagun behar ditugu txandak osatzeko, txanda bakoitzeko 28 lagun inguru; urtero lan egiten duzuen gain orain arte tabernan lana egin ez duzuenen parte hartzea ere beharrezkoa dugu.

Buletin honekin batera doakizue informazioa eta izen emate orria.

Oharra: Txanda motza, HHn haurrak dituzten gurasoek lana egiteko txanda da. Animatu parte hartzera!!

6.- LHko gurasoentzat bilera deialdia: "Oinbusa martxan"



Datorren **maiatzaren 17an, OSTEGUNA**, Oinbusa egitasmoa martxan jartzeko bilera egingo dugu. Bileran Ikastolako **TEKNOLOGIA gelan** egingo dugu arratsaldeko **5etan**.

Ikastolatik, gutxi gora behera hurbil bizi zareten guztiok (kilometro batera edo...) ikastolara oinez etortzeko egitasmoa martxan jarri nahi dugu.

"OINBUSA" PROIEKTUA: Nahi eta posible duten haur eta gazteak ikastolako bidea oinez eta taldean egitea da, goizero-goizero.

Horretarako, **maiatzaren 21ean hasita** hiru zutabe, hiru Oinbus abiatuko dira herriko toki desberdinetatik eta bidean ikasle gehiago batuko zaizkie. Oinbus bakoitzeko ordutegia ikasleei helaraziko zaie.

LHkoak : 8:30etarako ikastolako atean izango dira denak. Ikasle taldeak eta guraso bolondresak lagundua joango da. Familia bakoitzarena da erabakia eta ardura.



DBHkoek ere aukera izango dute(euren ordutegian) eta 8:00etarako ikastolako atean izango dira denak.

IBILBIDEAK: Dagoeneko markatuta daude. Ugaldetxo , Iturriotz eta Altzibarretik Ikastolara bide seguruak lurrean margotuta daude. OINBUS gezi horiak jarraituz Ikastolara iritsiko dira ikasleak.

HELBURUAK:

- Ikastolan goizero sortzen den kotxe pilaketa eta arriskua gutxitzea eta bestetik, haur eta gazteak ikusarazi eta horrela herria jasangarriagoa egitea.
- Oinez ibiltzeko ohitura sustatzea. Herriko biztanle sentiarazten ditu txikitatik. Herria haurrentzat egokiagoa egiten laguntzen dugu (baita helduentzat ere). Ikasleek konfiantza izan behar dute herrian barna lasai ibiltzeko, arauak errespetatzen eta arriskuak identifikatzen ikasten duten bitartean.
- Taldean etortzea: Talde lanaren eta elkar babestearen beharra ikasten dute haurrek. Ongi pasatzea ikastolako bidean.Haurrak seguru joatea da lehentasuna, baina ongi pasatzea ere bada helburua, Ikastolara lagunekin batera joatea

NOLA GAUZATU: Oinbus bakoitzak bere ibilbidea eta abiatzeko ordua dauka .(Helaraziko zaizue).

Maiz Egindako Galderak:

*Gure etxe ondotik pasatzen da Oinbusa , handik pasatzean gehitu gaitzke? Bai. Beharrezkoa da Oinbusean joatea? Ez. **Familia bakoitzaren erabakia eta ardura** izan behar du. Baina aurrean aipatutako guztiagatik , gomendagarria da.*

Haurren batek istripua izateko arriskurik ez dago? Bide seguruetatik bideratua dago. Hala ere, bidegurutzeak markatuta daude eta arriskua asko gutxitzen da talde handia bada, errazago ikusten delako eta gidariek abiadura mantsotzen dutelako talde handien ondoan. Geroz eta Oinbus handiagoa, orduan eta seguruagoa.

Txikientzat ez ote da bide luzeegia? Gurasoek eta haurrek erabaki behar dute hori.

Euria eta hotza ari badu, zer? Orokorrean haur eta gazteek ez diote euri eta hotzari beldurrik izaten. Arropa egokia,oinetako egokiak , zira eta aterkia eramatea da kontua. Ikastolan aldatzeko arropak gordetzeko aukera ere bada.



Haur Hezkuntzako berriak

1.- HH 2. mailako ikasleen irteera maiatzaren 17ean

Datorren ostegunean, maiatzak 17, HH 2. mailako ikasleak (lau urte) LABORE kooperatibara joango dira. Goizean, ikasle guztiak, 9:30etako ikastolan egon behar dute. Irtenaldia goizekoa izango da, oinez joan eta bueltatuko dira 12:00etarako ikastolara.





Eskola kanpoko ekintzen berriak

1.- Haurtzaro trikitilari, panderojole eta gitarra taldearen emanaldia

Haurtzaro ikastolako trikitilari, panderojole eta gitarra ikasleen ikasturte amaierako emanaldia izango da ikastolako jantokiko goiko solairuan **maiatzaren 30ean. Ikasleak 16:30ean** egon beharko dute jantokian, **emanaldia 17:30ean** hasiko da. Guztiak gonbidatuta zaudete!

Ginkanan laguntza emateko prest nago (ekainaren 2an, 7:30-11:00)

Ikaslearen izen abizenak:

Maila eta gela:

Gurasoaren izen abizenak:

Kontakturako telefonoa:

Idazkaritzara eramateko azken eguna maiatzaren 20a

